

商水縣志

卷之二

城池 衙署 營署
學校 宣講 坊表
倉儲 因園 演武場
整堡 驛程 舖舍
寺觀 養濟院 廣德
堂 濬澤園

卷之三

文廟樂舞 壇壝
廟祠日食鄉飲



商水縣志卷之二

建置志

城池 倉儲

衙署 園圖

營署 演武場

學校 塾堡

宣講 驛程

坊表

舖舍 附廣惠堂

寺觀

漏澤園

養濟院

古者苴茅分土必創置以建極蓋取用最宏弗克因陋就簡也商卽僻邑非城隍何以固疆域微衙署何以蒞政事至庠以興賢倉以裕民率非細故乃若恤鰥寡清刑獄澤枯骨崇神祠送往迎來表樹風采又烏在其可已哉特積久成圯積圯成廢舉廢葺圯革故鼎新是所望於蒞茲土者因表建置

舊志

城池

商水縣志

卷之二

一

按舊志商邑舊屬土墉無埤堦戍樓雉堞周圍僅四里許歷代增修無攷明洪武四年縣丞孫元仁修築高二丈餘置四門東仁化南義和西道泰北德政上建戍樓四戍舖八隍深二丈闊五丈餘正德六年流賊趙燧邢老虎攻陷知縣劉漢增築之萬歷二十一年頽於雨知縣劉遷重修高屹巖固樓宇更新萬歷三十五年知縣俎鼎始以磚砌之僅東門以北二十餘丈而止崇正九年知縣王化行盡易以磚四門置甕城四面設敵樓蓋屹然金湯云崇正十四年流賊李自成攻陷盡毀之城復

於隍矣十五年鄉民顧養太率衆修補以禦土寇
國朝順治三年知縣原英煌重修十年霽雨頽圯知縣
吳道觀復重修之康熙三年知縣張鐸幫築內城
兼補女牆二十七年內城盡壞薄削不堪知縣邵
瑗徧築之二十九年七月大雨城頽數處知縣康
起梅復修如故三十年同知署事劉君向捐俸繕
葺乾隆元年知縣吳昇八年知縣李新猷相繼修
補迄今崇墉鞏固非復向時之卑薄矣
城門本皆曲向康熙五十年知縣修映辰易直門雍
正三年知縣牟繩祖復易曲門

商水縣志

卷之二

二

城內五街 東街 西街 南街 北街 雲路街

巷十四

倉巷 東街街北

太平衚衕 東街之北

官巷 縣衙西

明家衚衕 縣衙西街南

關帝廟巷 南街之東東
與雲路街通

義學巷 南街之東東
與雲路街通

白衣閣巷 南街之西

火神廟巷 南街之西

文昌巷 雲路街東

青雲巷 文昌巷北

苦井巷 西街之南與
火神廟巷通

隍廟巷 西門內

觀音巷 隍廟巷東
與北街通

隍廟東巷 北街之西與
觀音巷通

縣署

國家建邦設邑承以大夫師長莫不各建衙署以爲聽政之所故有事則勤政臨民事已則從容退食不徒示威重肅觀瞻已也商署經兵火之後舊治無存

國初因學署而修整之雖規模未備未始非敬求民瘼之地也

舊署因兵火毀壞止存大門一座知縣郭世魁因儒學修成縣署在東街 文廟之西舊治之東

大門三間 仍舊制

儀門三間 仍舊制

商水縣志

卷之二

東角門 西角門 仍舊制

大堂五間 即舊明倫堂乾隆十年知縣張崇樸重修

左右書吏房八間 知縣原英煌修

大堂後串堂三間二堂三間 知縣馬淑昌修

三堂西書房 俱舊址

東西廂房六間中堂三間 知縣吳道觀修

大樓三間 知縣高理建

旌善亭 申明亭 俱在舊治前知縣吳道觀修今廢

土地祠 在儀門東知縣王敬公建

寅賓館 在儀門西因舊劉公遷在祠知縣原英煌修

馬神廟

在署西馬房院內
知縣郭天錦修

察院

在東門內街北知
縣原英煌修今廢

縣臺

在察院之左因舊
布政司署今廢

康熙三十七年知縣李興高重修書吏房易草以瓦

復添修兵快皂隸班房各一間

康熙五十年知縣脩映辰添修東樓三間易中堂為

樓五間

雍正四年知縣牟繩祖毀串堂改修二堂捲棚三楹

雍正十二年知縣張淑載重修大門儀門東西角門

月臺甬道花牆

商水縣志

卷之二

四

乾隆九年知縣張崇樸添修宅內東西瓦房二座堂

房三間馬房院添修 關帝祠一間

乾隆十年知縣張崇樸毀捲棚改修二堂前串堂

教諭宅詳學宮內

訓導宅詳學宮

捕廳宅在舊縣署之右典史郭有光修頭門 二門

大堂三間 二堂三間 東西書房六間 主房

六間 東西房四間 班房四間 耳房三間

營署

把總宅在捕廳宅東即舊縣署也大堂三間 耳房

兩間 班房二所五間 大門 二門 住房三
間 廚房兩間 馬房一間

學校

學校者教化之原而人才之所從出也是以畿甸
郡邑莫不有學歷代以來法制寢備明季兵燹之
餘學宮鞠爲茂草矣我

朝崇儒重道文教覃敷山陬海澨之士靡不蒸蒸向化
豈非上有好者下必有甚焉者歟至若化民成俗
一道同風是又在賢有司加之意耳

學宮 按舊志在縣治東元大觀二年建明洪武四

年縣丞孫元仁重修景泰六年知縣龐寬修成化
六年知縣羅楫修萬歷五年知縣徐士毅厭其卑
狹改舊文廟爲明倫堂舊明倫堂爲會饌堂舊兩
廡爲進德修業齋前建大門二門門內爲省牲所
教諭宅在會饌堂東訓導宅在會饌堂後後建敬
一亭又市近學民宅數區改建文廟東西兩廡戟
門櫺星門前鑿泮池甃以磚石門外開雲路街直
抵南城下中建雲路坊規模稱壯麗焉

國初燹燬之餘聖殿兩廡啓聖祠戟門僅存其址若櫺
星雲路名宦鄉賢蕩然無餘矣知縣原英煌因其

存者而補葺之越數年知縣吳道觀教諭喬時傑
市民宅草創明倫堂於聖廟之東偏康熙二十一
年知縣郭天錦重修名宦鄉賢於啓聖祠之前康
熙二十六年知縣邵瑗教諭劉寬訓導繆蘭芳重
加丹雘移建名宦鄉賢於戟門之外建修櫺星門
鑿泮池於其前越明年改建明倫堂於大成殿後
高敞爽塏非復從前之陋矣又於明倫堂後市民
宅一處議建尊經閣及教官宅未果而以他事罷
去康熙三十年署縣事劉君向又移啓聖祠於新
明倫堂之左規模始煥然改觀焉

康熙五十一年教諭杜法修葺兩廡五十五年知縣
張鉞 義路禮門外置下馬牌各一
康熙五十八年大成殿壞教諭喬廷謨率諸生捐資
修之并修奎樓

雍正六年知縣趙士蘭重修櫺星門義路禮門舊原
在照壁兩傍南向改修櫺星門外東西對列

大成殿五間 先師龕一 四配龕二十 哲龕二 順治
三年知縣原英煌督工鄉民顧養敬重修康熙二
十三年

御製萬世師表匾額頒懸正楹二十五年

御製至聖先師贊勒石階下二十八年

御製四配贊勒石階下雍正二年

御製生民未有匾額頌懸左楹乾隆二年

御製與天地參匾額頌懸右楹

東廡五間順治三年知縣原英煌修康熙五十九年

知縣黃庭獻重修

西廡五間順治三年知縣原英煌修康熙五十九年

知縣黃庭獻修

戟門三間順治三年知縣原英煌修

櫺星門三間康熙二十六年知縣邵瑗修雍正六年

商水縣志

卷之二

七

知縣趙士蘭重修

泮池舊在櫺星門外屏壁內知縣趙士蘭移置門內

建橋其上

東角門一間

在戟門左

西角門一間

在戟門右

東義路

在櫺星門左東向

西禮門

在櫺星門右西向

二門舊在屏壁左右南向知縣趙

士蘭改建今制易以櫺星門

崇聖祠三間

在大成殿東北明倫堂之左

康熙三十年署縣事同

知劉君向改建康熙五十九年教諭喬廷謨重修

雍正元年奉

旨追崇孔子五代改啓聖宮爲崇聖祠贈爵爲王

名宦祠一間

在戟門之西向

鄉賢祠一間

在戟門之東向

忠義祠三間

在名宦祠之南

雍正六年知縣趙士蘭建

節孝祠三間

在聖廟東訓導宅舊址

雍正六年知縣趙士蘭建

奎星樓

在文廟前

知縣原英煌建

文昌閣

城上東南隅

儒學歷年頒藏書籍

聖諭廣訓一部

御纂朱子全書一部

商水縣志

卷之二

八

學政全書一本

日講四書解義一部

憲皇帝上諭二十四本

孝經易知一本

諄諭士習以端風俗文二本

成均講義一本

規勸條約二本

文廟神主祭器樂器圖一本

大清會典儀注一本

呂語集粹二本

上諭二本

日新錄二本

明職一本

讀書分年日程一本

增刊條約四本

欽奉 上諭書目價值一本

蠶務成規一本

勸蠶說二本

蠶桑輯畧二本

紀畧二本

崇祀名宦錄一本

明史一百一十二本

欽定四書文一部

學宮備攷一部

新頒學政全書一本

新捐四書一部
監生陳增捐置

憲皇帝上諭十本

易經一部

書經一部

詩經一部

禮記一部

春秋一部
以下三書皆陳增捐置

性理一部

武三子一部

以上沈邱教諭署商水學事魯之璠登記

商水縣志

卷之二

九

乾隆九年頒發

大清律一部
二套

緒發一套
二本

乾隆十年頒發

欽定易經二部
四套

欽定書經二部
四套

欽定詩經二部
四套

欽定春秋二部
四套

欽定性理二部
二套

乾隆十一年頒發

御批資治通鑑綱目二部
十六套

祭器

乾隆五年 布政司頒發祭器合舊器共十四具

錫花瓶一對

大小錫燭台六對

大小錫香爐六座

錫爵四十二器

錫尊八器

磁登一器

磁劔十一器

簠三十器

簋三十器

籩一百二十二器

商水縣志

卷之二

十

豆一百二十二器

帛筐二十四器

牲俎二十九器

齋戒牌二面

白磁盃六十器

白磁爵六十器

以上二項係邑監生李震興捐又捐大成殿供桌

三張竹書櫃一箇盛貯書器

樂器

乾隆五年 布政司頒發樂器一十八具

麾旛一

大鼓一

編鐘十六

編磬十六

搏拊二

祝一

敔一

琴二

瑟一

鳳簫二

笙二

洞簫二

笛二

塤二

箎二

旌節二

羽三十六

籥三十六

附樂舞生名數

商水縣志

卷之二

十一

額設樂生三十二名 舞生三十二名

外設八名

明倫堂五間在大成殿後康熙二十六年知縣邵瑗

改建雍正十三年邑候選知州李震普捐貲重修

教諭宅在明倫堂後舊在文廟東圯廢已久康熙五

十八年教諭喬廷謨修於此

訓導宅節孝祠後雍正十二年訓導籍書修

儒學田在城西一頃二十畝四分六釐每年徵解租

銀九兩二錢一分八釐一毫二絲五忽

義學在雲路街南極之西地基六間南至城北至街

雍正八年知縣王夔龍捐置復買舊樓一座以資蓋造未竟而謝事去

講堂五間雍正十一年知縣牟繩祖修生員王廣運督修

藏書樓三間雍正十一年知縣牟繩祖勸捐生員王廣運督修

東齋房三間

西齋房三間

大門

二門

四維牆垣 以上乾隆元年知縣張淑載倡捐生員王廣

商水縣志

卷之二

十二

運監修

廚房三間在藏書樓之左候選知州李震普捐修

門房三間乾隆四年知縣李新猷修規模粗具延師

無資李公方在躊躇邑紳李震普慨出百餘金延

請名師教授生徒成就者甚衆乾隆五年震普歿

其弟震興堂弟郊堂姪樹勳復繼其志焉可謂富

而好禮者矣

生息銀六百五十兩 知縣李新猷捐俸五十兩邑

紳士共捐銀六百兩攤寄各當典每年生息一百

二十餘兩以爲延師修脯之費

李公祠三間在二門左李公作意曲成人材有功商

邑文教不淺紳士感德爲建祠以奉之

樓前西齋房三間乾隆十年知縣張崇樸修復置

先師神龕一座以示尊禮先聖之意延師授徒時勤考課

來學者雲集焉亦文風丕振之機歟

各祠神主姓氏

名宦祠神主

宋祀名宦邑侯高公諱若訥

明祀名宦邑侯龐公諱堦

明祀名宦邑侯劉公諱漢

商水縣志

卷之二

十三

明祀名宦邑丞孫公諱元仁

明祀名宦邑侯楊公諱一廉

清祀名宦三省總督李公諱廕祖

清祀名宦三省總督朱公諱昌祚

清祀名宦河南通省學政張公諱九徵

鄉賢祠神主

宋祀鄉賢著作郎張公諱輅

宋祀鄉賢賜進士河北都轉姚公諱仲孫

明祀鄉賢福建叅議謝公諱方直

明祀鄉賢通政司左叅議王公諱溢

明祀鄉賢眞定府同知華公諱能

明祀鄉賢山東海豐縣知縣王公諱榮

明祀鄉賢賜進士選御史王公諱相

清祀鄉賢候選知州李公諱震普

忠孝祠神主

明邑進士臨汾令贈禮部主事忠烈張公諱質

明邑庠生殉孝殉忠劉公諱嘉允

明邑教諭殉忠王公諱應登

明邑侯忠烈王公諱化行

明邑侯忠烈姚公諱文衡

商水縣志

卷之二

明邑庠生盡孝殉忠張公諱坦

明邑侯盡忠昌義劉公諱漢

明邑人純孝張景昭

明邑庠生孝行郭峻極

明邑庠生殉義李公諱之萼

明邑侯姚公子殉孝殉義公諱某

明太學生殉義高公諱思忠

明邑太學生殉義傅公諱嘉言

明邑侯姚公次子殉孝殉忠諱某

明邑庠生篤孝董公諱正誼

清邑太學生孝義李公諱震昇

節烈祠神主

明鄉貢棲霞令王風淳妻殉孝大節黃氏

明邑庠生張坦妻盡孝殉義大節金氏

明贈中書舍人李珠妻守義勁節王氏

明邑太學生傅商佐妻守義勁節惠氏

明許聘李門趙襄女殉義節烈趙氏

明邑人王大妻殉義節烈祁氏

明邑人李士蘭妻殉義節烈高氏

明邑人郭璉妻守義勁節杜氏

商水縣志

卷之二

十五

明邑人張一平妻守義勁節紀氏

清邑人李國顯妻殉義烈節李氏

清邑處女守正不污貞節婁二姐

清邑人王三妻殉義烈節郭氏

清邑人高黑妻殉義烈節吳氏

宣讀

聖諭所

雍正七年奉

旨設立講所五處各所選擇紳士學行素優者立約正一名值月四名每逢朔望宣講

聖諭

講所五處

一在城內

一在周家口

一在鄧城

一在北蔡寺

一在巴村

坊表

按舊制科第節義皆有坊今科甲建坊者甚少而節孝坊則間有之茲無論新舊一槩登入亦表厥宅里以樹風聲之意云爾

聖廟前雲路坊今廢

商水縣志

卷之二

十六

東街志節坊爲武英殿中書舍人李時馨之母王氏建今廢

北街世科坊爲監察御史王濬建今廢

聖廟西木坊爲通政司王溢建今廢

舉人劉沛然坊嘉靖七年建今廢

東街孝義坊乾隆八年爲監生李震昇建

倉儲

積貯者生民之大命也漢之常平宋之社倉法極善矣今之倉儲猶倣其遺意第恐法久弊生下民無以被其實惠耳我

勤恤元元痛除積弊收放以時蓄積有法誠千古積貯之良規也惟賢司牧實心以奉行之斯民無水旱之憂而戶有仰賴之資矣

常平倉在縣治東北隅明萬歷間知縣張可觀建倉房四所 倉堂一所順治三年知縣原英煌重修之康熙二十九年知縣康起梅建草房一所 康熙三十二年知縣李興高建瓦房一所 雍正七年知縣胡樓生建瓦房三間乾隆三年知縣吳昇建瓦房十五間乾隆八年知縣李新猷建瓦房三間

乾隆十年知縣張宗樸新建瓦房九間在縣署後共貯穀二萬七千五百石有奇

社倉三座貯穀四百二十四石有奇

勸捐義倉貯穀四千二百二十六石有奇

周家口社倉貯河南關帝廟

鄧城社倉

在城社倉附周家口借貯當商雷顯瑞房

圉圖

在舊縣署之右知縣吳道觀修

廩房十間 獄神廟一間在圉圖之北

演武場

國家有文事者必有武備故聖人論政食而卽繼之兵周官大司馬仲冬大閱亦可知兵之所係匪細故也顧作止進退有其力擊射馳騁有其地然後可以敵愾而禦侮是烏可畧而不志

演武場在城北關外

演武廳三間今圯

將臺 僅存遺址

射圃 在把總宅前卽舊縣署也

塹堡 官兵附

商水縣志

卷之二

十八

商自周家口迤邐西南遞上蔡沿途舊皆有堡今廢

河塹三處各有防汛 一在鄧城 一在趙家集 一在周家口 西俱在沙河兩岸

商水縣馬兵七名守兵二十四名共額三十一名

周家口塹臺一座在河南防兵五名 馬兵二名

守兵三名 營房十間 馬棚二間

趙家集塹臺一座在河南防兵四名 馬兵一名

守兵二名 營房八間 馬棚一間

鄧城集塹臺一座在河南防兵二名 營房四間

遞文塘撥二處

西華縣司家埠口遞文守兵二名無官房

臨潁縣瓦店集遞文守兵二名無官房

在城馬兵四名守兵十二名共兵十六名

驛程

東北至 神京一千八百里西北至開封府二百八

十里 東北至陳州府七十里 東南至項城縣

一百里 西南至上蔡縣九十里 西北至西華

縣五十里

商舊未置驛現設遞馬十一匹馬夫五名走遞夫十

五名

舖舍

更衣亭在城東北五里王溝橋今廢

十里舖縣北十里有接官亭舊址存焉

周家口中火舖縣北十八里老街街西真武廟西

楊家灣舖東北十二里明萬歷間知縣張可觀修今

廢

崇台舖縣東北二十里

北蔡寺中火舖縣西南二十五里有舖司

廟寺觀閣

自聖道熄而世之惑於禍福感應者紛紛矣禮金

仙奉浮屠建廟設像供奉維虔因果報應之說中
於人心而不可解嗚呼何其愚也雖然禮義以繩
君子鬼神以儆愚氓思神靈之顯赫而惕然不敢
爲非又未始非整齊風化之一助也何妨並志之
以示神道設教之意歟

城隍廟在城內西街路北

關帝廟

一廟在東門外澗水橋東

一廟在周家口西偏沙河南岸山西商人張在天等
建規模宏麗異於他廟

一在城西北八里俗呼蒜張家關帝廟

一在城西扶蘇寺西俗呼老關帝廟

商水縣志

卷之二

二十一

一在城西南二十五里北蔡寺集

元帝廟

城內南街路西 又一廟在北門外 又一廟在

周家口河南老街路西 又一廟在北蔡寺之東

首

炎帝廟

城內西城下 一廟在北街路東 一廟在華家

河橋南路西 一廟在北蔡寺之東首 一廟在

龍塘河之東首

二郎廟在東郭之北

三官廟在東關北首

玉皇廟在東關北三官廟後

三皇廟在玉皇廟之右

東嶽廟在城南二里許

靈濟廟神醫華佗祠在北關外明宣德年建

漢高祖廟在城西四十五里今圯

黃帝廟在城西三十五里今圯

漢光武廟城西

唐鎮廟卽漢高祖祠城西南四十五里

王靈官廟眞武護法城西二十里火燒橋之左

商水縣志

卷之二

二十二

失馬廟城東十里漢光武失馬處

烏溝廟城東七里

邱生廟城西南二十五里北蔡寺之西相傳邱生與

蕭何造律廟之下卽其塚也然前史不載無可攷

証按前漢書蔡人曹邱生說士也與季布同時疑

卽其人也

永福寺城內東街宋建中二年建明僧繼宗重修僧

會司居焉凡遇

壽及元旦慶賀官吏師生於此習儀

觀音寺城東南

抬頭寺城東十八里

焦砦寺城西南五十里

五樓寺城東南二十里

鐵佛寺城東南十二里

南陵寺城西二十五里

西陵寺城北十二里

天王寺城南二十里

王田寺城西南二十五里

北蔡寺城西南二十五里

留村寺城西二十里

商水縣志

卷之二

二十三

扶蘇寺城西三十里

龍門寺城東北十二里

遠通寺城東北六里

亭營寺城西三十里

史庄寺城西北四十里

清涼寺城西四十五里

栢陵寺連塚集西首

霧台寺城南十五里

地藏寺周家口老街南首之左

白衣閣城內西南隅

女貞觀城內東南隅

觀音堂城內東南文昌閣下

王家堂城西七里頭

柴家堂城東北十二里

李家堂城東北十五里

胥家堂城東南七里

寶豐閣城北八里王許村之左

宋家火星閣城北十二里

玉皇閣黃家冲城南十二里

懷邱寺城西北二十里

商水縣志

卷之二

二十四

鍾鎮倉廟城西南三十五里

龍潭寺在城西南五十里

裴家寺在城西三十里

裴家廟在城西南十五里

養濟院 廣惠堂附

聖王之恤民也至矣哉故凡鰥寡孤獨顛連無告
之民恩必及之我

國家設養濟院優恤窮黎恩至渥矣近復設廣惠堂務
使無一人不得其所商書曰一夫不獲時予之辜
其卽此意也夫敢不詳志之以識

皇仁之浩蕩歟

養濟院舊在城隍廟西草房八間堂一間因明季兵火焚毀新在廟西街南因李省舊宅瓦房六間廣惠堂雍正十二年知縣張淑載建在南街路西監生王泰峯捐地基一處 照壁大門三門大堂三間點驗給南北廂房六間貯穀後修瓦房二十六間窮民居所置地六頃三十九畝每年徵稞以贍窮民

漏澤園

聖王之世恩膏遍穹壤矣然生者蒙其庥而死者不被其澤聖人之心猶歉然也昔文王築靈臺獲枯骨或曰無主文王惻然曰寡人即其主也命掩之此其澤豈獨及當時之枯骨哉於今猶賴之矣我

國家置漏澤園俾死者不致暴露其德澤之浩蕩不與文有同心乎故疏其地而備載之

舊共二處

一在城南三里許

一在城北王溝橋知縣吳道觀置

新置東馬坡一處 西馬坡一處 褚河南岸一處

以上俱邑監生李震普李郊捐

城東雙龍橋一處 邑貢生陳王前捐

周家口一處 在集之西偏

蘇家坡一處

張家堂北一處

城東北柴家堂一處

東關北鹿盧灣一處

